

聖濟總錄纂要

七八

漢書門				
一	二	三	四	五
冊	架	函	號	類


內閣文庫				
三	二	一	一	一
函	冊	號	類	漢書

內閣文庫		
番號	漢	12651
冊數	12 (5)	
函號	300	219





聖濟總錄纂要 卷之七



桂川家藏


程林雲來纂

巴一曙雲扶

吳從殷尚木較

呂垣薇斗

新安





咳嗽門

咳嗽 暴嗽 久嗽 冷嗽 熱嗽 叩嗽

五臟諸嗽

咳嗽

聖濟總錄纂要 卷之七 咳嗽



論曰肺主皮毛皮毛先受寒邪乃為咳嗽五臟六腑又皆稟氣于肺故以其時感寒而受病亦能為咳形症不同治亦隨異學者審之

桑白皮湯 治咳嗽胸滿氣急

桑白皮 半夏 川貝母 知母 五味子 款冬花

紫蘇一兩 人參 炙甘草 紫朴五錢 薑水煎三錢服

日二

百部煎 治咳嗽久不已

百部汁 生薑汁 生地汁 百合汁 如無以藕汁代之

白蜜各一鍾 麥冬汁全 大棗肉四兩 將諸汁入砂鍋

內慢煎下蜜又將棗肉搗爛入汁內收成煎湯化日

頻服

貝母散 治咳嗽

貝母一兩 甘草 阿膠五錢 共末空心飲下二錢日二

訶勒散 治咳嗽

訶梨勒煨取皮 為末每以二錢用雄猪胰一枚去脂切

摻末入烏梅肉一枚令定以芭蕉包紙裹煨熟慢嚼

五味子湯 治咳嗽晝減夜增不得眠食即吐逆

五味子 白石脂 桑白皮 百合 麻黃去根節

白蒺藜 杏仁去皮尖 川貝母 柴胡 欬冬花

旋復花 枳殼炒 紫苑 桂心五錢

薑水煎三錢入糯米一撮溫服

暴嗽

論曰肺感于寒微者即成咳嗽蓋肺主皮毛寒傷膚腠則肺先受之其狀咳嗽語聲嘶破咽喉不利也

杏仁湯 治中冷暴嗽上氣喘逆惡寒出清涕

杏仁 紫苑 片苓 甘草 川歸 陳皮 麻黃

桂心五錢 木香一分 大黃炒兩半 水煎三錢溫服日二

貝母煎 治暴嗽胸膈不利痰逆喘急

川貝母去心 紫苑蜜浸焙 杏仁去皮尖炒 桑白皮炙一兩

甘草蜜炙 百部去心酒浸炒 五味子炒 白前甘草湯浸焙乾五錢

用水一斗入諸味煎取汁二升濾去滓入生地汁五


合麥冬汁五合白蜜三合牛酥二兩慢煎成飴頻頻

含化一匙飲下

飴糖煎 治暴嗽肺寒

飴糖 乾薑炒兩半 豉炒二兩

聖濟總錄卷之七 暴嗽



久嗽
分二劑煎去渣入糖薑末服

論曰肺主皮毛易感風邪寒邪傷于肺則為咳嗽五臟各以其時受之為五臟之欬久不已傳于六腑六腑不已三焦受之是為久嗽其人咳而腹滿不欲飲食多唾而腫氣逆乃其症也

人參煎 治積年咳嗽

人參一兩 酥油 括樓搗 蜜糖二兩 飯上蒸九次晒乾為末空心湯下一匙日二

蛤蚧丸 治久咳嗽喘急

蛤蚧一對酥炙 半夏 杏仁去皮尖 括樓大者二枚去子取肉蒸研

阿膠蛤粉炒 人參五錢 青皮去白炒 乾薑煮二兩

共末蜜丸如小豆空心飲下二十九

阿膠散 治久咳嗽

阿膠 人參 黃芪 炙甘草 杏仁去皮尖炒 桑白皮

紫苑 桔梗一兩 共末用猪胰一枚去油膜切拌

末二錢葱白三寸鹽少許溼紙包煨熟細嚼酒下

欬冬花散 治肺寒久咳嗽

款冬花

不拘多少

為末燒燻令病人吸之愈

阿膠飲 治久咳嗽

阿膠

一兩

人參

二兩

共末用豆汁入葱白煎三錢若嗽頻呬

菝葜貝母湯 治久咳嗽

白菝葜

川貝母

百合

赤石脂

紫苑

麻黃

去根

節

天雄

枳殼

兩半

五味

川連

地榆

桑根白

皮

東引者美

桂心

貫衆

一兩

片苓

五錢

旋復花

炒三兩

置水煎三錢服

冷嗽

論曰形寒飲冷內外合邪因而客之則為肺咳蓋肺主氣外合皮毛其經環循胃口故內外得寒皆能傷之而為冷痰嗽其候吸呼氣寒口如飲冰雪嘔吐冷沫胸中急痛晝靜夜甚得溫則止遇寒即發是也

乾薑湯 治冷痰嗽

乾薑

麻黃

去根節二兩

桂心

炙甘草

一兩

紫苑

五味子

五錢

杏仁

去皮尖炒三十枚

水煎三錢空心溫服

細辛散 治肺寒咳嗽喘滿

細辛 甘草 五味子 乾薑三兩 赤茯苓四兩

共末湯下二錢蜜丸亦可

乾薑飴糖煎 治冷嗽及一切嗽

乾薑炒研末 三兩 膠飴糖一斤 化飴糖拌末勻蒸熟頻含

化一匙

杏仁丸 治冷嗽呼吸氣寒嘔吐冷沫胸中急痛

杏仁去雙仁皮尖 炒香一升 生薑一斤切 片焙乾 陳皮去白紗 五兩

共末蜜丸如梧子大空心酒下二十九

熱嗽

論曰熱嗽之狀嗽而少涎由邪熱薰于上焦客于肺經使津液內燥搏于咽嗑喉嚨不利隨其吸呼而咳嗽也

百部丸 治肺氣熱嗽胸膈煩悶

百部 黃芪 杏仁 桂心一兩 天冬 栝樓五兩

馬兜鈴 紫苑 紫蘇四兩 玄參二兩半

共末蜜丸如梧子大烏梅甘草湯下二十九

阿膠丸 治客熱嗽止嗽化痰

阿膠 人參 礪砂三分 丹砂 甘草五錢 冰片二錢

共末蜜丸如芡實大含化一九日二

華蓋湯 治上喘咳嗽兼治膈熱

桑白皮

陳麩炒香

桔梗炒一兩

人參

百合三分

杏仁

去皮尖炒

炙甘草五錢

水煎三錢溫服日二

涼膈散

治肺熱咳嗽

甘草

生二兩

雄猪膽汁浸五日炙香為末蜜丸如梧桐

子大薄荷湯下二十九

馬兜湯

治肺熱嗽氣急喘悶

馬兜鈴

微炒

桑白皮

炙一兩

苦葶藶

桑紙炒

炙甘草

五錢

半夏

薑汁製三分

薑水煎三錢空心溫服

呷嗽

論曰呷嗽者咳而胸中多痰結于喉間與氣相擊隨其吸呼呀呷有聲故名呷嗽宜調順肺經仍加消痰破飲之劑射干丸 治久呷嗽喉中作聲發即偃卧不得

射干

一兩

半夏

陳皮

百部

款冬

細辛

乾薑

五味子

貝母

白茯苓

皂莢

去皮子炙

郁李仁

一兩

共末蜜丸如梧子大空心飲下二十九

杏仁丸

治呷嗽有聲

杏仁

去皮尖炒

甘草

炙一兩

大黃

蒸

牙硝

熬五錢

共末蜜丸如梧子大空心薑湯下二十九

紫苑杏仁煎 治肺臟氣積呷嗽不止因肺虛損致勞疾

相侵或胃中冷膈上熱者

紫苑 酥二兩 杏仁去皮尖半升 貝母 薑汁三兩

大棗去皮核半斤 五味子 人參 白茯苓 甘草

桔梗 地骨皮洗一兩 白蜜一斤 生地汁五合

共末與蜜汁同煎百沸器盛蒸三五次成飴煎仰卧

含化一匙日二

五臟諸咳嗽

論曰內經謂肺咳之狀咳而喘息有音甚則吐血心咳之狀咳而心痛喉中介介如梗狀甚則咽腫喉痺肝咳之狀咳而兩脅下痛甚則不可以轉轉則兩肱下滿脾欬之狀咳而右脅下痛陰陰引肩背甚則不可以動動則咳劇腎咳之狀咳則腰背相引而痛甚則咳涎五臟之咳久而不已乃傳六腑六腑之咳內經論之詳矣

前胡湯 治五臟諸咳嗽

前胡 五味 生地 澤瀉 半夏二兩 貝母

麻黃 人參 山藥 白朮 白茯苓 杏仁 甘草

葛根 烏梅 去核炒

薑水煎三錢空心溫服

五靈脂湯 治肺咳嗽及諸嗽

五靈脂 馬兜鈴 一兩 人參 五味 甘草 炙

桑白皮 蜜炙 陳皮 去白炒 杏仁 去皮炒

薑水煎三錢空心溫服日二

人參桔梗散 治心咳嗽咽喉腫痛

人參 一兩 桔梗 炒四兩 白茯苓 牛旁子 炒三兩 甘草 炙兩

共末薑湯空心下二錢日二

木乳散 治肝咳嗽兩脇下滿 木乳即皂莢樹根皮

木乳 酥炙三兩 杏仁 去皮尖炒 貝母 去心二兩 甘草 炙兩

共末薑橘湯下二錢

半夏陳皮湯 治脾咳嗽

半夏 陳皮 杏仁 一兩 赤茯苓 柴胡 麻黃 一兩

生薑 甘草 五錢 水煎三錢空心溫服

四味散 治腎咳嗽

補骨脂 炙 牽牛子 半生炒 杏仁 一兩 郁李仁 五錢

共末茶下二錢

黃芪散 治大腸咳嗽

黃芪 人參 白朮 桑白皮二兩 甘草三兩

共末湯下二錢

半夏桔梗湯 治脾肺寒熱勞咳痰盛嘔逆

半夏 桔梗 桑白皮 膽南星二兩

薑棗水煎三錢溫服

阿膠散 治肺胃不調久咳不差

阿膠 甘草 桔梗炒 桑白皮五錢 細辛一錢

共末空心薑湯下二錢日二

鹿角膠湯 治大腸咳嗽

鹿角膠 杏仁去皮尖炒研 甘草 半夏薑汁製

麻黃去根節二兩

薑水煎三錢空心溫服

人參丸 治脾胃虛弱痰壅咳嗽

人參 木香 訶梨勒煨取皮一分

共末蜜丸梧子大空心飲下二十九

咳嗽上氣 咳嗽吐膿血 咳嗽失聲 風冷聲嘶

咳嗽上氣

論曰諸氣皆屬於肺肺氣和平則升降自若若為寒邪所

傷則肺氣壅塞不得宣通故咳嗽而上氣其症咳嗽多涕唾甚者面目浮腫久而不已肺氣虛極風邪停滯令人胸背痛以至唾膿血也

潤膈丸 治積年咳嗽上氣涎吐稠黏五心煩躁不思食肺經留熱

阿膠 熟地 人參 山藥 五味 白茯苓 遠志

防風 麥冬 貝母 杜仲 丹參 茯苓 柏子仁

百部 共末蜜丸如彈子大水煎一九服

香豉豆湯 治三十年咳嗽上氣

豉炒五錢 細辛 杏仁 甘草 吳茱萸洗炒一兩 紫苑

二兩 共末蜜為丸如梧桐子大含化日二

郁李仁煎 治積年上氣咳嗽不得臥

郁李仁去皮二兩 水二升研如杏酪去滓煮令無辛氣入

酥二棗許和勻空心頻頻溫服

檳榔湯 治上氣腹脹胸脅痛咳嗽不下食

檳榔十四枚 白蜜二合 生薑 酥三兩 乾薑一兩 枇杷

葉一把去毛蜜炙 水三升煎一升去滓入酥蜜再沸分三

服

柴胡桑皮湯 治咳嗽上氣促急心躁寒熱四肢煩痛夜甚

柴胡 桑白皮 天雄 枳殼 大腹皮 麻黃去根節

羌活兩半 川黃連 甘草 桂心 川歸一兩 白梅去核

四枚 片苓 旋復花五錢 薑水煎三錢服

紫苑湯 治咳嗽上氣

紫苑 欬冬 枳殼 桔梗一兩 赤芍 赤茯苓 陳皮

百合兩半 大腹二枚 水煎三錢服

四神散 治肺氣不和上氣咳嗽

百部 白薇 川貝母 欬冬花二兩 共末蜜丸如梧

子大空心桑白皮湯下二十九

地黃煎 治上氣咳嗽肺氣壅熱不和

懷生地升半 麥冬汁 天冬汁 生薑汁五分 玄參

柴胡 黃牛酥 赤茯苓五兩 五味子 欬冬花 紫

苑 黃芪 川貝母 桂心二兩 杏仁去雙仁皮尖炒五兩

人參二兩 共末將酥汁蜜慢煎入末和勻熬成煎用磁

瓶盛貯甌上蒸頻服一二匙湯下 內有白蜜五兩

咳嗽唾膿血

聖濟總錄卷之七

卷之七

咳嗽上氣

七

肺主氣血隨氣上逆故咳而有血寒邪壅熱于肺間津液相搏凝滯蘊結故化為膿因咳而咯吐膿血也

百部丸 治咳嗽上喘吐膿血胸膈不利咽喉腫痛

百部 天冬 貝母 桔梗 紫苑 欵冬花二兩

共末蜜丸如梧桐子大甘草烏梅湯下三十九

桑白皮湯 治咳嗽吐膿血痰涎

桑白皮 麥冬 欵冬花二兩 貝母 甘草 黃明膠

五錢 水煎三錢溫服

萊菔子湯 治咳嗽唾膿血痰涎

萊菔子五錢 白蜜 牛酥 桃仁 杏仁二味同去

成膏一兩 飴糖二兩 熬酥蜜入飴糖膏酥成煎湯化一匙

蛤蚧湯 治咳嗽咯血吐膿

蛤蚧 人參 貝母 杏仁 甘草 知母 鹿角膠

葛根 桑皮 枇杷葉炙一兩 水煎三錢溫服

五味子湯 治咳嗽吐膿血連胸膈痛

五味子 生地 桔梗 桑皮 紫苑 續斷 赤小

豆 甘草五錢 水煎三錢入竹茹一丸煎溫服

薤白湯 治久咳嗽肺虛吐血將成勞病

鼈甲 阿膠 甘草 鹿角膠 二兩 水煎三錢入薤白

三寸服

栝樓湯 治咳嗽咯血喘滿肺痿

栝樓 二枚去穰入蛤粉炒 葛根 防已 杏仁 貝母 馬兜

鈴 甘草 二兩 水煎三錢入蜜少許溫服

杏仁湯 治肺氣壅熱咳嗽上氣吐膿血

杏仁 桑皮 柴胡 三分 甘草 桔梗 紫苑 麻黃

去根 欵冬 川連 茜根 半夏 五錢 薑水煎三錢

溫服

咳嗽失聲

論曰咳嗽失聲者蓋肺氣上通於喉隴喉隴者肺之系肺感寒微者成咳嗽咳嗽不已其氣奔迫窒塞喉中故因而失聲也

杏仁煎 治咳嗽失聲語不出

杏仁 一升去皮尖炒研 五味子 木通 貝母 紫苑 一兩

桑白皮 五兩 薑汁 飴糖 一升 分三劑每水四鍾煎去

滓入杏汁糖三之一成煎貯器中含化一匙

瘦 補肺人參湯 治氣虛咳嗽言語聲嘶飲食減少日漸消

人參 黃芪 熟地 桂心一兩 白木 紫蘇三分

乾薑 杏仁 紫苑 五味五錢 鹿角膠一兩 棗水煎

三錢溫服

滿聲散 治咳嗽聲不出

五味子 欬冬 人參 木通 細辛 竹茹 石菖

蒲 牛酥三兩 杏仁 白蜜 薑汁一升 棗肉二升

桂心三兩 水煎諸味去滓入酥汁蜜棗慢熬稠酒下一

匙日三

紫苑丸 治肺感風冷咳嗽聲嘶

紫苑 貝母 欬冬 桂心兩半 杏仁 甘草二兩

陳皮 人參 白茯苓 百部一兩 共末蜜丸如梧子大

空心飲下三十九

風冷聲嘶

論曰其風冷聲嘶者其聲嘶頃不通暢也蓋肺象金金主聲音人五臟有五聲皆稟肺氣而通之今風冷乘于肺經則氣道不調故聲音不出而嘶頃也

杏仁煎 治風冷失聲語音不出

杏仁 去皮尖爛 研成膏 桂心 二兩 五味子 貝母 細辛

紫苑 一兩 共末水煎去滓入蜜飴糖薑汁杏膏慢煎酒

下一匙

石菖蒲散 治風冷搏肺氣塞不通聲嘶不出

菖蒲 五味子 細辛 陳皮 紫苑 乾薑 五錢

訶梨勒 杏仁 一兩 共末酒下二錢

通聲辛甘煎 治肺氣虛為風寒所傷語聲嘶啞氣息喘急不通痰逆上氣咳嗽

真酥 白蜜 飴糖 薑汁 百部汁 棗肉 一斤

杏仁 一升 研 用微火慢煎成煎酒下一匙

諸氣門

諸氣 上氣 喉中水雞聲

短氣 陽厥

諸氣統論

論曰內經云百病所生生于五臟肺之所生獨主於氣不足有餘益由虛實故所病不同其症亦異怒則氣逆甚則嘔血及飧泄故氣逆也喜則氣和榮衛通利故氣緩也悲



則心系急肺布葉舉使上焦不通榮衛不散熱氣在內故
氣消也恐則精怯怯則上焦閉閉則氣還還則下焦脹故
氣不行也寒則腠理閉氣不行故氣收也熱則腠理開榮
衛通汗大洩故氣洩也驚則心無所倚神無所歸慮無所
定故氣亂也勞則喘息汗出內外皆越故氣耗也思則心
有所存神有所歸正氣留而不行故氣結也

七氣丸 治寒熱愁怒驚思恚氣

- 大黃 二兩半 人參 半夏 細辛 柴胡 乾薑
- 吳茱萸 桔梗 菖蒲 五錢 赤茯苓 川芎 甘草

- 石膏 桃仁 去皮尖炒 川椒 三分炒

其末蜜丸如梧子大飲下三十九丸 一方加桂心

麝香丸 治一切氣逆胸膈否悶中脘不快痰癖留滯嘔
吐惡心肢體倦不思飲食

- 麝香 丹砂 紫朴 木香 肉蔻 五錢 半夏
- 檳榔 二兩 丁香 乳香 一兩 桂心 三分

其末用薑汁煮半夏末為膏丸小豆大陳皮湯下二
十九丸

藿香湯 治諸氣不調胸膈痞滯升降不勻

藿香 紫朴 乾薑兩一 甘草 青皮分三 桂心錢五

枇杷葉兩一

生薑大棗水煎五錢空心溫服日二

上氣

論曰凡人一日一夜共一萬三千五百息呼隨陽出氣於是升吸隨陰入氣於是乎降一升一降陰陽交通氣乃和融所謂上氣者蓋氣上而不下升而不降喘息有聲是也本于肺臟之虛復感風邪肺脹葉舉諸臟氣又上冲而壅遏此所以有上氣之候也

地黃煎 治上氣之急

生地汁升半 生薑汁 牛酥升半 白蜜升一 淡竹葉升半

杏仁去皮尖 兩半 炙甘草 貝母去心 兩二 蘇子兩二 赤茯苓

紫苑兩半

水四升煮竹葉甘草蘇苑去滓入汁蜜熬成煎重湯

煮攪稀飴含化一匙

欬冬花湯 治上氣咽中不利

欬冬 五味子 半夏兩二 射干 細辛 紫苑兩一

麻黃兩三

薑棗水煎三錢空心溫服

酥蒜煎 治上氣喘急

酥半斤 大蒜三枚

以酥煮蒜煮去蒜入薑汁成煎頻服一匙

雙仁丸 治上氣喘急不安

桃仁 杏仁俱去皮尖炒

爛研水和生麩為丸如梧桐子大薑蜜湯下二十九

上氣喉中如水雞聲

論曰肺王氣上通于喉隴肺經客寒則喉隴不利痰唾凝

結氣道奔迫喘息有聲聲如水雞

半夏丸 治上氣咳嗽喉中作聲坐臥不得

半夏 紫苑 桑皮一兩 百部 欬冬 射干 陳皮

五味 貝母 皂莢灸 赤茯三分 杏仁兩半 細辛五錢

共末蜜丸如梧子大薑棗湯下二十九

射干湯 治咳而上氣喉中如水雞聲

射干 半夏 五味 欬冬 紫苑二兩 細辛

麻黃 生地四兩

大棗水煎五錢溫服

短氣

論曰短氣不足以呼吸者肺虛也倚息短氣不能臥其形如腫者飲也短氣上喘氣道促急者肺虛而寒邪實也如是者不可概而論之

紫蘇湯 治卒短氣

紫蘇

二兩

陳皮

五錢

大棗酒水煎三錢溫服

枸杞湯 治短氣

枸杞

薑棗水煎三錢溫服

陽厥

論曰內經云有病怒狂者生于陽也陽氣者因暴折而難決故善怒也病名曰陽厥夫陰陽未可徧勝則氣逆陽厥者陽勝而氣逆不調也蓋陽氣暴折則鬱而不散故多怒而狂怒則氣上故頸脈動而大疾者為陽厥之症也其治奪食即已蓋食入於陰長氣於陽陽盛故厥逆怒狂奪食者所以平其氣也

鐵落飲 治陽厥善怒除煩下氣

鐵落 即染皂鐵漿是也

每服重湯溫一鍾飲之

竹瀝石膏湯 治陽厥多怒狂躁不安上攻頭頸

竹瀝 石膏兩半 山枝 生地 玄參 赤茯

升麻 知母三分

薑水煎三錢入竹瀝服

犀角丸 治陽氣偏勝氣厥多怒如發狂狀心胸煩滿忿

忿多怒頸脉疾動

犀角 防風 甘草 兩一 枳殼 石膏 錢五 升麻

萎蕤 三分

共末蜜丸如梧子大飲下二十丸

定神丸 治陽厥怒狂

白茯 遠志 人參 防風 栢子仁 兩一 甘草 兩一

龍骨 兩半 牡蠣 棗肉 兩一

共末蜜丸如梧子大湯下二十九

羚羊角湯 治陽厥氣逆善怒狂妄不常

羚羊角 五味子 沙參 棗仁 茯神 遠志

萎蕤 兩一 龍骨 錢五

為粗末薑水煎三錢服日二

積聚門

積聚

肥氣

伏梁

痞氣

息賁

賁豚

積聚統論

論曰積者五臟所生氣之所積名曰積其始發有根本其痛不離其部由陰氣所生也聚者六腑所成氣之所聚名曰聚其始發無根本其痛亦無常處由陽氣所生也然又有癥瘕癖結者乃積聚之異名也症狀不一原其病本大

約相類但從其所得或診其症狀以立名爾且癥者為隱現腹內按之形症可驗也瘕者為聚聚推之留移不定也癖者癖側于脅肋結者沉服結強于內然有得之于食有得之于水有得之于憂思恚怒有得之于風寒種種不一凡使氣血沉滯留結而為病者治須漸磨漬削使氣血流通則病自愈矣

積聚

論曰經云病有積有聚何以別之夫積者陰氣也聚者陽氣也陰沉而伏陽浮而動故氣之所積名曰積氣之所聚

名曰聚然積者五臟所生聚者六腑所成積之為病其始發有常處其痛不離其部上下有終始左右有所窮盡聚之為病其始發無根本其痛亦無常處上下無留止此積聚之分別也

鼈甲丸 治腹內積聚心肋氣滿時吐清水惡寒不下食

鼈甲醋炙 大黃炒 檳榔二兩 人參 附子 前胡

白朮 黑乾薑 枳殼 防葵 川歸 桔梗 甘草

一兩 食茱萸 三兩 紫朴

其末入蜜杵丸如梧子大空心酒下二十九

萬靈丸 治積聚滯氣胸膈否悶心腹刺痛

雄黃 陳皮去白炒 大黃 白丑兩 肉蓯蓉 京三

稜煨 杏仁 巴豆去皮心油 乾漆炒烟 青皮五錢 訶勒

皮三分 天南星薑製 木香 藿香葉 白朮炒一分 胡

椒半分 其末薄荷汁糊為丸如小豆大 傷食薑湯下

三五丸 傷酒薑湯下十九

大五積丸 治五積胸膈否悶腹脅脹滿宿食不消積氣

成塊心腹痛不能飲食

礪砂 芫花 乾漆炒烟一兩 木香全後末 巴豆去皮心油

皂莢去皮子炙 烏頭去皮臍三分全上五味入醋三升熬膏 大黃炒 京

三稜煨 鼈甲醋炙 川歸 陳麩 青皮去白炒一兩 桂

心三分 其末用膏丸如小豆大茶酒任下五七丸欲疎

利服十丸

十味五積丸 治五積氣嘔吐酸水心腹脹悶不思食

沉香 陳皮去白炒 苳松 京三稜五錢 芫花醋炒焦

牽牛搗取末 木香 甘遂連珠者 大戟 薑黃一兩

其末糊為丸如梧子大用陳皮湯空心下二三十丸

木香丸 治五種積聚成塊

木香 檳榔 人參 郁李仁 訶勒皮 大黃微煨三兩

蘇子 白芍 赤茯苓 枳殼去白炒 黑乾薑 硝石二兩

共末入蜜為丸如梧子大酒下二三十丸

牛膝芍藥丸 治積聚癥癖氣塊

牛膝 白芍藥 大黃炒 桔梗 赤茯苓 訶梨勒

柴胡 紫朴薑炒三兩 枳殼 檳榔 陳皮去白炒一兩

共末入蜜杵丸如梧子大空心大棗湯下二三十丸

肥氣

論曰凡人積氣在左脇下如覆杯有頭足者名曰肥氣乃

肝之積也蓋肝藏血故陰多而陽少發為積氣由肺病傳
 肝肝傳脾脾以季適王而不受傳是邪氣留于肝故積為
 積氣久不愈令人發欬逆痰瘧連歲不已此陰盛陽虛故
 也
 蓬蘽根湯 治久積結癖氣不散左脇下如覆杯吐酸水
 面色黃此名肥氣并女人血瘕

蓬蘽根 入懷生地二兩 川歸 赤芍藥二兩 丹皮

枳殼炒 白桂心三分 生薑焙五錢 水煎三錢空心溫服二日

青蒿汁湯 治久積肥氣寒熱瘧瘵

青蒿汁合一 生薑汁 童便半合 常山 柴胡分二

烏梅肉炒 鼈甲醋炙 炙甘草一分

水煎五錢去滓入三汁少許沸服日二

酸棗仁丸 治肝積肥氣久不已變成寒熱瘧瘵令人執
 多寒少小便赤澀咳逆

酸棗仁生 蘇子 木通 薏苡仁 黃芪

枳殼炒 麥炒 木香 坐拏草 升麻 大黃

麥門冬 赤茯苓一兩 共末入蜜杵丸如梧子大麥冬

湯下二三十九日二

石韋丸 治肝積肥氣

石韋

去毛

京三稜

附子

陳皮

川椒

去目炒

吳茱萸

炒一兩

共末入蜜杵丸如梧子大荆芥湯下二三十丸

伏梁

論曰內經謂病有小腹盛上下左右皆有根名曰伏梁暴大膿血居腸胃之外不可治治之每切按之至死又曰人有身體髀股肱皆腫環臍而痛病名伏梁此風根也夫氣之所聚名曰聚氣之所積名曰積聚陽氣也故無畱止積陰氣也故有形狀伏梁心之積也起于臍上故小腹盛上

下左右皆有根暴大膿血居腸胃之外故環臍而痛此為風水之病使身體髀肱皆腫名曰伏梁以其若梁之隱於伏也其症有淺深居臍上為逆以邪氣之逆上行也居臍下為從以邪氣之順下行也治法不可動動之為水溺瀆之病故曰論在刺法中

鱉甲湯 治伏梁積氣

鱉甲

醋炙

白芍

京三稜

大腹皮

一兩

懷生地

柴胡

兩

川歸

兩

桂心

生薑

三分

水煎三錢入木香少許服日二

桃奴散 治伏梁積氣

桃奴 暴乾為末空心溫酒下三錢未差再服

訶梨勒丸 治憂積伏梁氣

訶勒皮_{二兩} 檳榔 大黃_{炒三兩半} 防葵 柴胡 枳殼

{去白} 羚羊角 川連 赤茯苓 生薑{兩半} 子芩

木通_兩 共末入蜜杵為丸如梧子大空心飲下三十

丸日二

痞氣

論曰凡積氣在胃脘覆大如盤者脾積也痞結不通故名

痞氣此本肝病傳脾脾當傳腎腎以冬適王而不受邪氣留于脾故結為積久不愈令人四肢不收發為黃疸使飲食不為肌膚所以然者脾藏肌肉之氣能與胃行其津液以榮養四肢若為積氣所留則不能榮養故有四肢不收飲食不為肌膚之症也

平氣丸 治脾積痞氣腹脅膨脹心胸悶痛不思食

檳榔_{一枚} 微煨 京三稜 砂仁 胡椒_{五錢} 青皮_{炒一兩}

烏梅肉_{炒兩半} 巴豆_{二錢去皮心油}

共末糊為丸如小豆大薑湯下三丸

白木湯 治脾積痞氣脅肋滿悶

白木 紫朴薑汁炒 桂心 柴胡三兩 炙甘草兩

檳榔十枚微煨 生薑水煎三錢空心溫服日二

勻氣湯 治脾積痞氣胃脘不安肌瘦減食

大腹皮二枚全用 白木 桂心 牽牛半生半炒 麥蘖 紫

朴薑汁炒 郁李仁半生半炒 甘草 陳麩一兩 高良薑五錢

生薑大棗水煎五錢空心溫服再晚服

息賁

論曰凡積氣在左脅下覆大如杯者肺積也氣上賁衝息

有所妨名曰息賁此本心病傳肺肺當傳肝肝以春適王而不受邪氣復賁于肺故結為積若久不已令人灑淅寒熱喘咳發肺癰所以然者肺主氣外合于皮毛今肺氣留積故有咳喘寒熱肺癰之病

枳實湯 治肺積息賁上氣冲胸滿咳逆

枳實麩炒黃 木香 檳榔 炙甘草 葶蘆紙炒 吳茱

萸炒五錢 杏仁去皮尖炒二分 薑棗水煎三錢空心溫服日

桑白皮湯 治肺積息賁上氣脹滿咳嗽涕吐膿血

桑白皮 麥門冬兩半 桂心 甘草五錢 陳皮炒

皂牙去皮炙

生薑水煎三錢溫服日二

半夏湯治肺積息賁咳嗽

半夏薑汁炒

細辛 桑白皮 前胡兩半 訶梨勒煨

桔梗炒

人參 川貝母 白木土炒 甘草 柴胡一兩

生薑大棗水煎三錢空心溫服日二

賁豚

論曰凡積氣發于小腹上至心下若豚狀或上或下來往無時者腎積也蓋腎水乘心其狀賁衝如豚名曰賁豚此本脾病傳腎腎當傳心心以夏令適王而不受邪氣復留

于腎故結為積久不已令人喘逆骨痿少氣所以然者腎藏骨髓之氣若其氣留積不能榮養骨髓故變為喘逆骨痿之病也

四味丸治久積賁豚氣時攻膀胱痛

川椒炒出汗

附子 肉蓯蓉 藁香子一兩

共末蜜丸如梧桐子大酒下

桃仁丸治腎積氣賁豚

桃仁

去皮尖二兩研用酒二升煎成膏

木香 青皮去日炒

藁香子

桂心五錢

檳榔三分

黑乾薑一分

共末膏丸 梧子大酒下三十九

化氣沉香湯 治腎積

沉香 木香 人參 附子 黃芪 烏藥 甘草

五味 大茴 牛膝 石斛 陳皮 高良薑 巴戟

天 桂心錢五 生薑水煎三錢溫服日二

李根白皮湯 治責豚氣冲心汲汲短氣發作有時

李根白皮兩八 人參 附子 甘草兩二 半夏兩七

赤茯苓 黑乾薑 桂心兩三 水煎三錢溫服日二

吳茱萸湯 治責豚氣上冲心胸逆渴

吳茱萸兩二 人參 甘草 半夏兩四 桂心

薑棗水煎服

木香散 治一切風及腎臟責豚氣上冲心胸滿悶

木香兩 白芷 沉香 杉木節 蓬莪茂 藜香子

炒 桂心 青皮錢五 木瓜 枳殼炒三分

共末薑湯下二錢

磁石散 治責豚冷氣上冲昏亂四肢軟弱不收

磁石 木香 檳榔 肉豆蔻兩一

共末葱白酒下二錢日二

聖濟總錄卷之七
壓氣木香丸 治賁豚氣上冲胃膈

木香 丁香 肉豆蔻 白豆蔻 吳茱萸炒五錢

沉香三分 青皮一分 麝香二錢

共末用硃砂猪膽汁和丸梧子大酒下二十九

木香檳榔散 治腎積氣不散結伏賁豚發即上冲心胸

令人喘逆骨痠少氣等疾

木香 檳榔 白芷 沉香 磁石 大茴 川芎

訶勒皮 牡蠣五錢 桂心 陳皮三分

共末生薑鹽湯下二錢

諸癥 結痕 疝氣 酒癖

諸癥

論曰積氣在人腹中久不差則牢固推之不移者癥也此由寒溫失宜飲食不節致臟腑氣虛弱食飲不消按之其狀如杯盤牢結久不已令人體瘦而腹大至死不消診其脉弦而堅其狀不轉動者此其症也

鼈甲丸 治諸癥瘕冲心氣滿不下食手足煩悶

鼈甲 訶勒皮二兩 人參 炙甘草 防葵 大黃微炒

兩 白木 郁李仁 桂心 杏仁去皮尖一兩研成膏

其末入蜜杵丸梧子大酒下二三十丸

夾食丸 治癥癖食氣食勞五膈痰逆

乳香 木香 川歸 肉蔻 乾薑 京三稜煨

附子 丹砂 青皮 巴豆去油一兩 紫苑 鼈甲醋炙二兩

丁香 其末入蜜杵丸小豆大丹砂為衣酒下三五丸

結瘕

論曰結瘕者積聚之類也聚積久不散謂之結浮流腹內按抑有形謂之瘕結之症候形體瘦瘁飲食不作肌膚遇陰寒冷溼之氣則發而腹脅塊硬隱隱然痛者是也瘕之

症候腹中氣痛動轉橫連脅下有如癖氣遇脾胃有冷陽氣不足而發動者是也

紫葛丸 治結瘕腹脹堅硬如石肚上青筋浮起

紫葛 郁李仁一兩 木香 桔梗 訶勒皮三分

大黃炒兩半 紫苑三分 牽牛子五錢半生半炒

其末入蜜杵丸梧子大木通大棗湯下二十九

疝氣

論曰疝氣謂臍腹左右緊硬而痛橫逆如臂取象如弓弦之急故謂之疝氣蓋因寒溫失宜房勞過度真陽虛憊陰

冷內生所以水飲入於胃而不能銷鑠流於脅下經久不去遂成痼疾若遇陰寒或食冷物則作痛久之則不能飲食致肌膚消瘦

訶梨勒丸 治疝氣胸脅滿大腸常澀

訶勒 桂心 白芍 大黃炒 甘草 烏藥

防葵一兩 龍甲二兩

共末入蜜杵丸如梧子大薑湯下二三十九

附子草薢丸 治疝氣急痛嘔吐酸水

附子 草豆蔻二兩 桂心 吳茱萸一兩 木香五錢

桃仁三兩去皮尖炒 丁香三分

共末入糊丸梧子大薑橘湯下二三十九

大黃丸 治疝氣急痛嘔吐酸水大便不通滿悶

大黃二兩用酒二升熬成煎 丁香 檳榔煨三分 木香

訶梨勒煨取皮 桂心一兩

共末同煎杵丸小豆大酒下二三十九

京三稜丸 治五積疝癖氣塊

京三稜 木香 青皮 檳榔 石三稜 鷄爪三稜

五錢 肉豆蔻二枚 硃砂三分

其末用薑汁糊丸梧子大薑湯下二三十丸

緩中丸 治疝氣急痛腹脹胃脘痛不下食嘔逆

乾薑 甘草一分 人參 附子 白芍 陳皮 檳榔

桂心 枳殼 鼈甲 半夏 紫朴五錢 薑水煎服

酒癖

論曰胃弱之人因飲酒過多酒性辛熱善渴而引飲遇氣道否塞酒與飲俱不化停在胸肋結聚其癖其狀按之有形或按之有聲脇下弦急脹滿或致痛悶肌瘦不能食因酒得之故謂之酒癖

乾薑丸 治酒疝癖水飲不消兩脅脹滿時嘔吐腹中水

聲

乾薑 葛根 枳殼兩 白朮二兩 陳皮三分 甘草五錢


炙 其末入蜜杵丸梧子大飲下三四十丸

栝蒌散 治酒癖脅下脹滿不能下食

栝蒌實兩 陳麴炒香五錢 其末空心葱白下一二錢日二

聖濟總錄纂要卷七終

酒癖



聖濟總錄纂要 卷之八

吐血

程世佐燧四

吐血

程量入上慎

吐血

新安

程志治齊先

較

吐血

程其武與繩

吐血門

吐血

吐血不止

吐血統論

論曰吐血病有三種一則緣心肺蘊熱血得熱則妄行下

流入胃胃受之則滿悶氣道賁衝故令吐血二則虛勞之
人心肺內傷恚怒氣逆肝不得藏血乘虛而出因怒氣逆
甚則嘔血三者緣酒食過飽胃間不安或強吐之氣脉賁
亂損傷胃心血隨食出此名傷胃

黃芪散 治吐血

黃芪 白芨 白欬 芫月膠粉炒 共末空心飲

十二錢

綠雲散 全前

百合 人參 側柏葉 阿膠粉炒 共末空心飲下

二錢

神效鹿角散 治吐血咯血

鹿角膠 川柏炒五錢 杏仁二十一枚 共研入白麩

人水下二錢

阿膠散 治咯血吐血

阿膠 白芨 白芷 白欬 川柏蜜炙 共末飲下

二錢

藕汁茯苓散 治吐血不止

生藕汁 白茯苓 懷生地 炒黑蒲黃等分 以三味

聖濟總錄卷之八 吐血

共末調藕汁下二錢

補肺煮肺散 治吐血咯血等

杏仁 一百二十枚去雙仁皮尖研極爛 百合 四兩 葱白 三莖 熟糯米

三合 共和勻用猪肺一具去筋管膜全煮熟蜜湯下

異攻散 治吐血不差

人參 一兩 研極細五更時打雞子清和服二三錢

黃藥子散 治吐血

黃藥子 防已 等分 共末用小麥湯下一錢吐甚者一

服減二服止

艾灰散 治吐血

艾葉 燒灰存性為末新汲水空心下二錢

竹葉芍藥湯 治吐血衄血大小便出血

淡竹葉 六合 赤芍 一兩 甘草 炙一兩 阿膠 三兩 川歸 兩半

水煎五錢溫服日二

地黃藕汁飲 治心肺熱極喘悶吐血

生地汁 生藕汁 生薑汁 小薊根汁 生牛蒡子

汁 生白蜜 等分 共和勻徐呷數口

地黃飲 治吐血不止

聖濟總錄卷之八 吐血不止

懷生地

一兩取汁

鹿角膠

一兩炙

童便五合煎沸入汁末十

數沸分三服

吐血不止

論曰藏真高于肺而主氣藏真通于心而主血藏真散于肝而藏血是三者或因憂愁思慮與夫恚怒氣逆傷之則氣亂而血妄行下入于胃胃受之則脹滿其氣賁衝于上故吐血不止也

白金散 治吐血肺元受損

上白麩

石菖蒲

一兩

共末空心水下二錢暑毒氣薑

汁蜜水下

白欵湯 治吐血咯血不止

白欵

三兩

阿膠

炒二兩

用酒水合煎三錢去滓入生地

汁半合沸服

生犀桔梗散 治吐血似鵝鴨肝晝夜不止

生犀角

生桔梗

一兩

共末空心溫酒下二錢晚下一

錢

補肺百花煎 治吐血不止兼咳嗽

生地汁

生藕汁

升

生薑汁

半升

乾青柿

五枚研石糊

黃牛乳

升半

胡桃肉

十枚

大棗

二十枚

好白酒一升全

上數味煎如餳入後蒙

黃明膠

炙研五錢

杏仁

去皮尖研三兩

秦艽

五錢研末

全上合煎

減半入蜜四兩養成煎空心

用糯米飲下

一二匙日

三服酒下亦可

阿膠湯 治吐血不止

阿膠

研炒

熟艾

三兩

白芍

四兩

小薊根

五兩

水煎五錢

土馬鬣湯 治心肺蘊熱志怒氣逆便血妄行日夜不止

土馬鬣

焙二兩

人參

白茯苓

秦艽

炙甘草

枳實

炒

懷生地

酒洗

柴胡

一兩

水煎五錢空心溫服日二

嘔血 唾血

舌上出血

汗血

嘔血

論曰憂愁思慮則傷心志怒氣逆上而不下則傷肝蒸心

主血肝藏血二臟俱受傷則血溢妄行流散不止氣逆則

嘔吐而出血也

三汁飲 治吐血嘔血衄血等

麥冬汁

生地汁

生藕汁

熟冷水

各一鍾

白藥

一兩

聖濟總錄卷之八

卷之八

嘔血

五

和勻溫服一二鍾以差為度

生地黄湯 治憂愁恚怒嘔吐出血煩悶少氣胸中痛

懷生地 斤半 阿膠 研粉炒 炙甘草 兩半 用大棗水煎五

錢空心溫服日二

荆芥穗飲 治嘔血不止

荆芥穗 山枝仁 片苓 蒲黃 兩一 水煎五錢空心

溫服晚再服以差為度

唾血

論曰邪熱薰于肺則損肺恚怒氣逆傷于肝則損肝肺肝

傷動故令人唾血如唾中有若紅縷者屬肺臟如脇下先

苦痛而後唾鮮血者屬肝經俱可折而治之

紫苑散 治肺氣內傷邪熱薰積欬唾有血

紫苑 川歸 川芎 附子 欵冬 五味子 白朮

桂心 生地 甘草 細辛 側柏葉 杏仁 去皮尖炒研

貝母 兩一 共末入蜜少許和滾湯空心下二錢晚再下

蒲黃散 治唾血不止

蒲黃 生一兩 研羅細末用冷水和三錢空心下日二

舌上出血

聖濟新金身要卷之八 舌上出血 七

論曰心主血在竅為舌若心臟蘊熱血得熱而妄行或溢于心之竅故有舌上出血之症甚者出如涌泉

升麻湯 治心臟有熱舌上出血勢如涌泉

升麻 茜根 小薊根 熟艾 凝水石

水煎三錢去滓入生地汁半合再沸服日二

阿膠散 治舌上出血不止

阿膠 黃芪 蒲黃 共末用生地汁空

心下二錢 熟艾葉湯 治心臟熱舌上出血及一切失血

熟艾葉 用糯米全炒 松黃 側柏葉 水煎三錢空

心溫服日二

汗血 論曰內經云臟經通于心血脉之氣行焉又曰肝藏血故

人臥血歸于肝然血雖藏于肝而妄則行之若肝心二臟

俱傷于邪則血隨心液為汗而出是為汗血也

人參湯 治肝心二臟傷邪汗血

人參 赤芍 白朮 甘草 桂心 川歸 淡竹

茹 川芎 子芩 水煎三錢空心溫服日二

聖濟總錄卷之八 汗血 七

神白散 治血汗從膚腠中出

人中白 用瓦上炙乾研成末入麝香末少許和勻空

心酒下二錢

如聖散 治汗血不止

郁李仁 去皮尖研爛用梨取汁下一錢日二

竹茹湯 治吐血汗血尿血

竹茹 人參 白芍 生地 甘草 川歸 桔梗 炒

川芎 桂心 兩

水煎三錢空心溫服以差為度

鼻衄 衄不止 大衄 衄鱗

鼻衄

論曰脾移熱于肝則為驚衄是木剋土也蓋脾土熱氣移

于肝木則神魂驚恐而血行不由其道夫肺主氣開竅于

鼻血隨氣上今血既妄行故于鼻出而為衄也

生地藕節湯 治邪熱上攻鼻衄

懷生地 生藕節 兩 水煎五錢空心溫服以差為度

蒲黃散 治鼻衄

蒲黃 櫻櫚 燒灰 存性 川歸 阿膠 亂髮灰 柏子仁

燒研 一錢 共末用藕節汁空心下二錢 如肺損傷吐血

生地汁下 腸風下血 樗根皮湯下 女人赤白帶

艾葉湯下日二服

貼背膏 治上焦肺壅熱鼻衄

京三稜 大者一枚 溼紙包煨熟乘熱爛搗用醋煮糊貼背

上第三椎骨

貼鼻方 同前

鹿角膠 用沸湯浸軟一薄片貼鼻均上差

紮耳方 治肺壅熱鼻衄

玄胡索 為末綿包紮耳內左衄扎右右衄紮左左右

俱衄兩耳俱紮

吹鼻方 同前

石榴花 取百葉者 陰乾為末用少許吹鼻中即差

葱白汁 同前

葱白汁 以汁入酒少許點二三匙滴入鼻中愈

衄不止

論曰榮衛之行常與胃氣相隨則氣與血未嘗一刻相離 蓋肝藏血肺主氣榮衛和平則氣血調順若人臟腑有熱

衄不止

九

熱乘血氣血性得熱流溢妄行夫肺開竅于鼻故其發為鼻衄衄不止者臟虛血盛故也內經又云脾移熱于肝則為驚衄蓋脾土也肝木也今脾移熱于肝則木不能制土明矣肝藏血其神魂故為驚衄之病
髮灰散 治衄不止

亂髮灰

錢一

人中白

炙研五分

麝香

研一字

共研用少許吹鼻中立愈

車前子散 治衄血不止欲死者

車前子

牛耳內垢

等分

用車前子為末與垢同研和成挺子塞耳中差
柳枝散 同前

柳枝

寒食日收者一兩

人參

一分

共末空心溫水下五錢

人參蓮心散 治血衄不止

人參

錢一

蓮子心

一分

共末空心溫水下二錢以差

為度

玉粉散 治鼻衄日夜不止頭痛心煩

石羔

研

牡蠣

童便淨

共研極細溫水下二錢日二

二花散 同前

酸石榴花

黃蜀葵花

兩一

共末水煎三錢溫服日二

栗灰散 治衄不止

生栗

取獨顆或中心者七枚連皮燒灰末

入麝少許研勻酒下三錢

法紙散 治衄血不止

衄血時

以紙接血將紙焙乾燒灰溫水和服但不可

與病人知

燈心散 同前

燈心

一兩為末

丹砂

飛過一錢

共末空心飲下二錢頃再服

大蒜貼足

治衄血不止諸藥無效者

大蒜

去皮

研爛用帛攤錢大左竅出貼左足心右竅

出貼右足心兩鼻並出二足並貼血止急洗去

通神散

治衄不止心神悶亂頭旋欲倒

亂髮燒灰

伏龍肝

一兩

共末用溫水空心下二錢頃再服

茅花湯

治血衄不止

茅花

用水煎濃汁二碗分一服如無花以根代之

大衄

論曰大衄者口耳皆出血是也蓋血為榮而藏于肝氣為衛而生于肺肺開竅于鼻三者相為流通若熱氣乘血熱

盛則氣血妄行與衛氣錯溢于上竅故鼻衄不已而口耳皆出血也是名大衄

南天竺飲 治血妄行九竅皆出服藥不止者

南天竺草 生瞿麥者 是一大把 山枝 三十枚 生薑 一兩 燈心 一把

炙甘草 五錢 大棗肉 五枚 用水一大碗煎減半空心服

苦參湯 治大衄口耳皆出血不止

苦參 川連 一兩 山枝 七枚 大黃 微炒 兩半

水煎五錢去滓入生地汁服

阿膠湯 治大衄不止

阿膠 粉炒研 一兩 蒲黃 五錢

水煎三錢去滓入生地汁服急帛繫兩乳

白龍骨散 治大衄不止

白龍骨 煨 為末用少許吹鼻中立止

生地飲 治大衄出血血上心胸氣急勞熱

懷生地 四兩 子芩 木 赤芍藥 青竹茹 三兩 蒲黃 三兩

地骨皮 五兩 水煎五錢空心溫服晚再服以差為度

衄 衄 衄 汗血

論曰內經謂膽移熱于腦則酸頰鼻淵傳為衄衄瞑目夫

血得熱則涌溢得寒則凝泣若膽受胃熱循脉而上乃移熱于腦蓋陽絡溢則血妄行在鼻為衄在汗空為蟻蟻者皆熱厥血溢之過也今之治衄蟻者專于治血不知血之行留氣為之本猶海水朝夕兩潮乃陰陽之氣使然也明夫經絡順逆則血與氣俱流通而無妄行之患矣

青竹茹湯 治熱盛所致衄血汗血立止

青竹茹 子芩 懷生地二兩 白芍藥 麥門冬

蒲黃一兩 水煎五錢空心溫服以差為度

地黃散 治血汗不止

懷生地 阿膠炒研三兩 蒲黃二兩

共末空心飲下二錢日二

刺薊湯 治熱氣上行衄血汗血

刺薊 紫蘇二兩 川連 犀角 懷生地一兩

水煎五錢溫服

獨聖湯 治血熱妄行或衄或蟻

子芩 用酒浸微炒水煎七錢空心溫服立差

脚氣門

風毒脚氣 脚氣痺攣 脚氣疼痛不仁

脚氣統論

論曰風毒中人隨處悉能爲病偏著于脚何耶蓋五臟經絡心肺起于手十指肝腎脾起于足十指地之蒸溼毒氣足先受之久而不差漸至四肢腹背頭項古人所謂微時不覺痼滯乃知所以謂之脚氣其症不一或見食嘔吐憎聞食臭或腹痛下利或二便秘塞不通或胸中忡悸不欲見明或精神昏憤或善忘語錯或壯熱頭疼或身體冷痛或時覺轉筋或小腹不仁或髀腿頑痺或縱緩不隨或腫或不腫或百節攣急凡是之症皆脚氣候也治法固多唯

孫思邈云不得大補亦不得大瀉故須湯劑爲治法之最學者宜加意焉

風毒脚氣

論曰內經謂暑勝則地熱風勝則地動溼勝則地泥寒勝則地裂寒暑風溼之氣皆本乎地人或履之所以毒亦易中于足也因病從脚起故謂之脚氣况五臟流注脾與腎肝之經絡皆起足指故有風毒脚氣之病其症或見食嘔吐或腹痛下利或便溲不通或胸中驚悸不欲見明或言語錯忘或頭痛壯熱或身體冷疼轉筋脛腫瘡痺緩縱其

狀不一治不可緩稍緩氣上入腹或腫或不腫胸中逆滿
上氣肩息者死不旋踵寬者數日必死不可不急治也但
看心下急氣喘不停或自汗數出或乍寒乍熱其脉促短
而數嘔吐不止者死故不可緩也

木瓜虎骨丸 風毒脚氣疼痛少力筋脉拘急行步艱難

木瓜 虎脛骨 沒藥 當歸 麒麟竭 骨碎補

木香 自然銅醋淬七次 敗龜板 楓香 安息重湯酒熬

桂心 甜瓜子一兩 地龍二兩 乳香五錢全沒藥麟竭研入木瓜內用黑

豆一斗水洗安木瓜于中蒸爛研膏

共末膏丸入酒少許丸梧子大木瓜湯下三十九日

大續命湯 脚氣痺攣不隨風毒攻四肢壯熱如火頭項

木攣急氣冲胸中

當歸 人參 防風 麻黃去根 石膏二兩 芎藭

杏仁炒微黃 赤芍 黃芩 炙甘草 桂一兩

薑水煎四錢

越婢湯 風毒脚痺攣行步不遂

麻黃 石膏四兩 白木二兩 附子 炙甘草一兩

薑水煎四錢

木香散 脚氣緩弱大肉頑痺肢節疼痛

木香三兩 牛膝 草薢 羚羊 陳皮 杏仁 獨活

丹參 杜仲 秦艽 桂一兩 車前五錢

薑水煎三錢日三

犀角丸 風毒脚氣上冲散入四肢虛腫無力

犀角二兩 白木 檳榔 人參 川芎 赤茯苓 羌活

木香 防風 石斛 牛膝一兩

大補蜜丸 梧子大酒下二十九日二十四日

五柔丸 腎虛冷腎風或頭風兼風毒脚氣

大黃一斤蒸三次 前胡二兩半 白芍 半夏 茯苓

葶藶紙炒 赤茯苓 細辛 當歸四兩

蜜丸 梧子大飲下五七九日二以利為度

蘆根湯 風毒脚氣昏煩壯熱頭疼嘔吐口乾

蘆根生兩半 赤茯苓 葛根 知母 淡竹葉 麥冬三分

炙甘草五錢 水煎五錢日三

淋瀝方 風毒脚氣腰膝痠痺腫行履不得皮膚如小虫

行

羊桃 蒟蒻 蒺藜 蒼耳 海桐皮 柴胡 白茯苓

柳木蠹末 水紅花一兩

水五斗煎二斗去滓淋洗慎避風冷

淋洗方 風毒脚氣腰膝痛痺腫行步不得皮膚如蟲行

水菘 附子 露蜂房 茵芋二兩 川椒一兩 蒴藿四兩

水五斗煎取汁三斗避風淋洗

脚氣痺攣

論曰脚氣痺攣者寒氣多也寒搏於筋脉結而為病則筋急不能轉側行步艱難甚則不可屈伸也

肉菘蓉丸 風溼脚氣寒搏筋脉痺攣不仁

菘蓉 牛膝 天麻 黃芪 何首烏 木瓜各十兩 酒五斤

浸一日曬入後藥 狗脊 續斷 草薺三兩

共末用木瓜三枚剉空入青鹽一兩閉口飯上蒸研

膏入上件和丸如乾加酒糊丸梧子大鹽湯酒任下

三十丸

秦朮湯 脚氣行步痺攣

秦朮 枳殼 白朮 丹參 羌活 人參 柴胡

陳皮 紫蘇 薏仁 桑皮兩半 防風 石斛

大麻仁 炙甘草二兩 水煎五錢日二

石南丸 脚氣攣痺去風溼活血脉益元氣

石南 白朮 牛膝同上酒浸 天麻 防風 枸杞

黃芪二兩 鹿茸 桂兩半

共末用木瓜一枚去皮瓢蒸爛搗膏入糊丸梧子大酒下三五十丸

大腹湯 脚氣痺攣寒搏筋脉不能轉側

大腹四枚 防已 青皮 木通 羌活 紫蘓 草薺

川芎 地骨 訶勒皮五兩 木香五錢 五加皮二兩酒浸炙

薑棗水煎三錢日二

脚氣疼痛不仁

論曰脚氣疼痛皮膚不仁者蓋人之氣血得溫則流通遇寒溼則凝澁今脚氣之疾緣風寒濕毒客於氣血榮衛虛弱不能宣通故有脚氣疼痛麻痺之症

牛膝丸 下經氣弱風溼毒氣與氣血相搏皮膚不仁足

痛不能履地上攻眼目迎風流淚

牛膝 山萸兩半 防風 羌活 烏頭 川芎 地龍

炒 檳榔一兩 共末酒糊丸梧子大鹽湯下二十九

整痛膏 脚氣腫痛行履無力及打撲傷折痛

烏頭生

乾薑生

五靈脂生

浮麥炒黑

一分

共末用醋一鍾入藥三錢熬成膏攤紙上傳患處又以麩醋炒熱裹熨痛處如患脚氣先燒熱砧將藥在砧上脚心熨之引脚中氣消腫止痛

敗龜散 脚氣及筋骨疼痛

敗龜醋炙

白芥子研

芸苔子研

木別子去殼

自

然銅醋淬七次五錢

地龍炒

硫黃一兩

共末用末與麩醋和貼

牛膝丹參酒方 脚氣入冬即苦脚痺弱或筋骨疼不能

屈伸皮膚癢痺不仁手脚指節腫滿悶或四肢腫按脛直

牛膝

丹參

薏仁

生地八兩

白朮

生薑

五加

皮五兩

側子

赤茯苓

草薢

防風四兩

獨活

石斛

茵芋葉九兩

人參

天雄

石南葉灸

川芎三兩

細辛

升麻二兩

磁石醋淬七次一斤

桂三兩

白酒五斗

浸服

柴胡湯 風寒溼毒脚氣痛皮膚不仁緩弱癢痺足脛腫

滿心下急大便澁

柴胡

猪苓

紫蘇兩半

防已

陳皮

郁仁炒

大麻仁炒一兩

桑皮二兩半

水煎五錢日二

脚氣上氣

脚氣腫滿

脚氣心腹脹滿

脚氣冲心煩滿

脚氣上氣

論曰風溼毒氣之中人多從下起定先受之故名脚氣毒氣循經上入於肺則氣道奔迫升降不順故令上氣喘滿桑白皮湯 脚氣面目腫上氣眠臥不得氣欲絕

桑皮炙一兩

陳皮一兩

葶蘆炒研二兩

共末水煎薑棗湯入末三錢再沸溫服頃又服當利

一二行腫氣下即差三五日照一次

大腹湯 脚氣脹滿

大腹四枚

杏仁三七枚炒

童便水煎三錢日二

枳實散 脚氣上氣

枳實炒二兩

白朮

赤茯苓二兩

桂四兩

共末酒下二錢日二

烏豆湯 洗脚氣上氣擡肩喘冲心痛

烏豆 水五斗煮汁二斗半入甕中浸足令人從膝上

向下淋洗百遍病者不過再洗差服後丸

加減木香丸 洗脚後服

木香 白芍 枳殼 大黃炒二兩 檳榔四枚 桂五錢

共末蜜丸梧子大酒下十五丸日二漸加至三十丸

大便利為度

杏仁煎方 脚氣乘肺上氣喘促

杏仁炒 百合一分水二分 生甘 麻黃 射干五錢

共末入百合汁中煎一升去滓日服二合此藥不得

久停惟旋合

木香檳榔丸 脚氣冲心煩悶上氣喘滿

木香三分 檳榔五錢 葱水煎三錢去滓下紫雪二錢薑

汁中合童便一合紫雪治脚氣最妙方在虛勞門

淋洗豌豆湯 脚氣擡肩喘

豌豆二分 葱白十根 川椒三分 水五斗煮半令人從膝

上淋洗下百遍患極者洗三次效

脚氣腫滿

論曰脚氣風溼毒氣客搏腎經腎者胃之關也關門不利則聚水而生病水性就下故令腎氣不化小便不利溼寒之氣下注足脛腫脹不消故謂之脚氣腫滿

赤茯苓湯 脚氣上攻身體腫滿小便赤澀

赤茯苓 防已 桑皮 陳皮兩半 旋復五錢 杏仁

麻黃去根節 白朮 紫蘇兩一

水煎黑豆汁鍾半煎藥五錢薑半分

旋復花湯 脚氣腫滿上冲心胸煩悶氣急

旋復 犀角兩一 前胡 杏仁 桑皮 紫蘇

赤茯苓兩半 薑水煎三錢

大豆湯 脚氣足脛附腫上氣徧身痰脹風引

大豆合半炒香 附子兩三 枳殼 澤瀉 陳皮兩四 炙甘

草 赤茯苓 防風兩二 水煎黑豆取汁煎藥三錢日

三若腫痛止去大豆澤瀉

脚氣心腹脹滿

論曰風毒之中人也必先中脚久而不差徧及四肢其氣

滯溢則腹脅脹滿小便不利氣喘息高者其病為重也

訶梨勒丸 治脚氣疼痛發熱腫悶上攻心腹脹滿吐逆

訶勒皮 木香 防已 大腹連皮煨 紫蘓兩一 白芍

杉木節 羌活 沉香錢五 水煎五錢日二

羚羊角丸 脚氣心腹妨悶兩脅虛脹不思食漸覺心滿

氣隔不通

木香 防風 升麻_{二兩} 大麻仁 赤茯苓_{三兩} 旋復

羚羊 茯神_{二兩} 獨活_{二兩半} 大腹_{七枚連皮}

共末蜜丸梧子大酒下四十九日一服 如腹內先

冷加附子_{二兩} 大腸秘澁加大黃_{炒兩半} 氣滯加檳

榔_{二兩} 心胸膈熱加麥冬_{三兩} 筋急掣痛加牛膝_{二兩}

皮膚風痒心下妨悶加枳殼_{炒兩半} 臟氣羸弱加黃

芪_{三兩}

前胡飲 脚氣攻心腹脹滿嘔吐不下食

前胡 生薑 羚羊角 半夏 大黃_炒 赤茯苓_{五錢}

枳殼_{三分} 水煎五錢去滓下朴硝一錢

松節湯 脚氣入腹心腹脹急煩躁腫痛

松節_{炒黃} 桑皮 紫蘇_{一兩} 炙甘草_{五錢} 檳榔_{三分}

水煎三錢入燈心生薑童便日二

脚氣衝心

論曰脚氣衝心之狀令人胸膈滿悶上氣喘急甚者嘔吐是也蓋風溼毒氣初從足起縱而不治上入于腹小腹瘳痺不仁毒氣上冲是謂腎水尅心火故名脚氣冲心孫思

邈云凡小覺病候有異卽須大怖畏決意急治之不可槩以腫爲候亦有不腫者正謂此也

吳茱萸湯 脚氣冲心煩悶腹脹氣急欲死

吳茱萸 木瓜 檳榔二兩

水煎五錢入竹葉一把以快利爲度

獨活湯 脚氣冲心

獨活 犀角 石斛 側子 川芎 防風 當歸

防已 炙甘草二兩 丹參 白芍三兩 赤茯苓四兩 桂半兩

薑水煎五錢日三凡服一二劑後隔五日一服若覺

服內氣散兩脅有力行動無妨宜常服香豆酒

香豆酒方 同前

香豆一升 酒三升浸隨量頻飲覺利多卽止

吳茱萸檳榔湯 脚氣毒氣攻心欲死者

吳茱萸炒四升 檳榔七枚 木瓜 陳皮一兩 厚朴二兩

竹葉水煎三錢

木瓜湯 脚氣風溼毒氣攻心煩悶手足脉絕

木瓜 吳茱萸等分 水煎三錢頃又服

犀角湯 脚氣若風熱輕但毒氣入胃唯心胸煩熱索水

灑胸面乾嘔好叫氣欲斷絕者

犀角 木香 人參 羚羊角 竹茹 沉香 射干

麥冬 赤茯苓 雞舌香 麝香 石膏

水煎四錢去滓入麝末五分再沸服頃又服覺眼明

心悟是效若嘔逆不下食加半夏 生薑 陳

皮 兩半

木香湯 脚氣攻心悶絕欲死

木香 檳榔 赤茯苓 郁仁 牛膝 大黃 吳

萸 桂 水煎桑皮木通汁入藥三錢服如重又服

木香湯 又脚風毒攻心悶亂狂躁口乾氣欲絕或秘澁

青木香 生黑豆皮 大黃 紅雪

水煎五錢入紅雪三錢分二服頃再服當下燥糞

烏頭湯 風毒脚氣攻心心悶倒仆失音不語困甚者

烏頭 甜竹葉 桑皮 大腹

用豆汁浸藥一日次早煎分二服頃再服已死者幹

開口灌之愈及灸脚心七壯男左女右

麻仁湯 脚氣冲心上氣二便澁小腹急痛

大麻仁 赤小豆

聖濟總錄卷之八 脚氣冲心

水七升煎二升半分三服過二日又一劑

朴硝湯 脚氣攻心悶絕

朴硝 白芍 柴胡 旋復 紫蘓錢五 大腹 桑白

皮炙三 檳榔二 生薑一

作三貼水煎去滓入朴硝二錢分二服

礬石湯 脚氣冲心

白礬一 漿水一斗五升煎浸脚良

九味木香丸 脚氣冲心胸膈煩滿喘急嘔吐

木香 訶勒 枳殼 桂二 白芍 柴胡兩 厚朴

薑汁 檳榔二兩 大黃炒

共末蜜丸梧子大酒下二三十九

脚氣語言蹇澁 乾溼脚氣 脚氣變成水腫

脚氣語言蹇澁

論曰風毒脚氣語言蹇澁者脾腎氣虛風溼中其經絡也
腎之經循喉嚨挾舌本脾之經挾咽連舌本散舌下二經
為風溼所中故令舌本強硬語言蹇澁也

大八風湯 脚氣上攻心脾語言蹇澁

當歸 大豆兩 白芍 烏頭 黃芩 遠志 獨活

五味 防風 川芎 麻黃 人參 秦艽 乾薑
甘草 杏仁 石斛 白茯苓 升麻 紫苑 黃芪

桂心湯 酒水煎三錢

桂心湯 風毒脚氣癢痺不仁語言蹇澁

桂心 三分 麻黃 當歸 一兩 防風 升麻 犀角

檳榔 二兩 黃芩 赤茯苓 半兩 棗水煎三錢

乾溼脚氣

論曰脚氣有乾溼之異者蓋陰陽所以分也在臟為陰在腑為陽然皆由風溼毒氣乘虛而入其症大同小異故乾

脚氣之狀血脉痞澁皮膚癢痺脛細痠疼食減體瘦臟腑
秘滯上冲煩悶溼脚氣之狀脚先腫滿或下注生瘡肌汗
流下兩脚疼上攻心腹咳嗽喘急面浮膝腫見食嘔吐
四根湯 年漢十九種乾溼脚氣

桑麻根節心 松木根節心 栢木根節心 杉木根

節心 並細剉炒 肉苳蓉 酒浸 五靈脂 石龍芮 炒

天雄 泡裂去皮 紫檀香 地龍 炒 木香 各一兩

麝香 五錢 乳香 沒藥 一兩 共木木瓜酒下二錢日二

立應湯 乾溼脚氣冲注四肢

大腹煨 木香 防已 紫蘇 白芍 羌活

訶勒皮 木瓜 杉木節 沉香一兩 水煎五錢日二

四斤丸 乾溼脚氣差後常發令永不發

牛膝 木瓜 菴蓉 天麻斤一 酒五升浸一日晒乾

爲末用浸酒熬膏丸梧子大酒下三十丸

杉木節湯 乾脚氣頭痛腰脚痠疼心躁渴悶汗出氣喘

杉木節升一 橘葉升一 大腹七枚連皮 童便三升

同煮取半分二服如一服快利便止唐柳宗元乾脚

氣夜半痞絕左脅有塊如大石且死困天寒不知人

三日家人皆號哭榮陽鄭洵美傳此方服之半食間氣通立愈

防已湯 乾脚氣脚膝腫滿

防已 猪苓 郁仁 檳榔三分 木通 枳殼

紫蘇錢五 赤茯 炙甘草兩一 薑水煎四錢

海桐皮散 溼脚氣及腎臟風下注滿脚痞疼痛膿水出

海桐皮 草烏鹽炒 地龍炒 蒺藜炒一兩

共末酒下二錢日二

脚氣變成水腫

聖濟總錄卷之八 脚氣變成水腫

論曰昔人論脚氣謂脾受陽毒即熱痛腎受陰溼即寒痺是知脚氣之病脾腎得之為多今變成水腫者亦緣脾腎俱虛之蓋腎虛則不能行水脾虛則不能制水故水氣散溢滲于皮膚流于四肢所以通身腫也

葶藶丸 脚氣成水腫上氣氣急咳嗽一便苦澁所服利

水藥反利大便小便反澁

葶藶

三兩

防已

一兩

炙甘草

杏仁

貝母

一兩

為末棗肉丸梧子大大棗桑皮粳米飲下三十九小便未快加十九

檳榔散 脚氣浮腫漸變成水心腹脹滿二便不通氣急喘息

白檳榔

五枚

大腹皮

七枚

木香

一兩

大腹細剉二味

為末用童便一鍾煎大腹一枚香末二錢去滓入檳榔末三錢再沸服日二

猪苓湯 脚氣兼水氣膈氣通身腫滿氣急小便不通坐臥不得

猪苓

防已

三分

赤茯苓

木香

郁仁

澤瀉

二兩

桑皮

五兩

大腹

七枚

和皮

水煎五錢服下小便立効

三

脚氣大小便不通

江東嶺南瘴毒脚氣

脚氣雜治膏藥淋滌

脚氣大小便不通

論曰脚氣二便不通者中風溼之氣搏于脚膝上攻胸腹脅肋填滿榮衛痞隔三焦之氣升而不降所以傳導變化皆不能出而二便不通蓋腎氣化則二便利脚膝者腎之候今脚氣上攻則腎氣不得化腎氣不化致二便不通也桑白皮湯 男女風毒脚氣及徧身拘急刺痛二便赤澁不思食嘔逆或寒熱

桑皮 木通 青皮 紫蘇 羌活 荆穗

藁香子根 木瓜 獨活 枳殼 大腹

薑葱水煎三錢日二

檳榔湯 脚氣腫滿坐臥不得上氣冲心二便秘澁

檳榔 木香 郁仁 桑皮 木通

水煎三錢去滓入牽牛末一錢二便利氣快為度

江東嶺南瘴毒脚氣

論曰內經謂南方者其地下水土弱霧露之所聚也江東嶺南大率如此春夏之交山水蒸鬱風溼毒氣為甚足或

感之遂成瘴毒脚氣其候脚先屈弱漸至痺疼膝脛微腫
小腹不仁頭痛煩心痰壅吐逆時作寒熱便溲不通甚者
控心而勢迫治不可緩支法存所以留意經方編善斯術
者豈非江左嶺表此疾得之為多歟

犀角湯 江東脚氣小欲動作漸覺心悶脚脛痠疼煩熱
不止

犀角

木香

前胡

一兩

竹茹

三分

麥冬

兩半

大腹皮

三枚全用

用水煎五錢

羚羊角湯 江東脚氣盛發上冲脾胃胸膈妨悶意氣不

暢口乾目不知人

羚羊角

犀角

兩半

木香

升麻

旋復

一兩

麥冬

大腹

五枚

枳殼

前胡

一兩

水煎五錢快利為度

旋復花飲 乍處嶺南未伏水土食飲不宜兼卑溼脚氣

發動時復心悶面目脚膝浮腫氣乏唇口青黑胸膈
煩熱見食吐嘔心腹妨痛冷氣結聚如有此疾急服

旋復

前胡

郁仁

一兩

半夏

赤茯

二兩

大腹

五枚全

吳萸

三分

薑水煎五錢日二要疎利加檳榔末

犀角湯 脚氣之疾先起嶺南稍來江東皆由卑溼得之

或微覺疼痺或二脛腫滿行起痺弱或上入腹不仁
或時作冷熱皆其候也若先覺此症食嘔不下氣上
逆者宜急服

犀角兩 旋復兩 赤茯苓兩 陳皮兩 紫蘇半握

薑棗水煎五錢豆一合

獨活兩 嶺南脚氣發動地氣鬱蒸熱毒風盛脾肺常有
風熱

獨活兩 生地三兩 海桐皮兩 惡實根生 桂兩

黑豆皮生 大麻仁炒一升 生白酒三斗浸頓服

脚氣雜治膏藥淋瀝等

論曰脚氣症候不一隨症用藥備載于前然有一方兼治
數症者有膏酒淋傳者皆昔經驗用之多効今復詳類于
後

木瓜丸 脚氣諸疾

木瓜四枚 乳香二兩 甘菊一兩 青鹽一錢 將瓜去瓢子

入末封固蒸研丸梧子大酒下五十丸日三汗香爲
驗并膝脚等疾皆治

桑葉煎 脚氣曾用諸方苦脚弱宜服

白桑木

用生桑椹者採軟枝切一石

水一石煎五斗又加水五斗

煎去滓慢煎成膏約二升即止收貯頻含化一匙服

七日覺四肢通暢頻洩氣已後兩脚或腫勿怪乃

是得藥力病差之候

牛膝酒

脚氣極冷着厚衣蓋覆不覺煖

牛膝

生地半斤

紙包泥裹又用紙包泥固乾灰火養

半日次以火燒一伏時取出漬酒服

蒜酒

初覺似有脚氣宜服

蒜

二升切炒

桃仁

一升去皮尖炒

豆

一升炒香

酒一斗浸服

石斛酒

脚氣痺弱筋骨疼痛

石斛

四兩

人參

丹參

川芎

杜仲

白朮

黃芪

五味子

防風

陳皮

甘草

炙

白茯苓

乾薑

山藥

當歸

桂

二兩

牛膝

三兩

酒五斗

浸服

菝葜酒

脚氣屈弱積年腰脊攣痺及腹內堅結

菝葜

五斗水石半煮七斗

麴

十斤用上汁二斗浸二日

白糯米

一石淘

蒸攤入汁麴拌勻內甕中常法取酒服

脚氣發心膈悶宜此方

取新磚

二塊

中心鑿孔如毬子大勿令透過將火燒紅

用醋撥之便入川椒于孔內以物蓋看温煖以脚踏
磚上立愈

麻黃畏足方 久蘊風熱足多冷麻隱痛難行夜常轉筋
如風所吹皆脚氣之症

麻黃二斤 炒 令極熱以帛包貯裹二足勿透氣良久脚

上有汗候麻黃温不用却着棉襪無令風吹如此數
次永除病本

芥子膏 風溼脚氣腫痛無力


白芥子 蓖麻 木別 芸苔子 白膠香兩

胡桃五枚 搗千杵成膏如彈子大塗患處

黑豆煎 脚氣

黑豆五升 桑皮五兩水三升 同豆煮汁 羌活 蒺藜 吳萸

海桐皮五錢 共末入汁煎膏酒下



聖濟總錄纂要

卷之八

藥淋瀝等

聖濟總錄纂要卷八終



